

آبونه

سنه لك آلتی ایلق
 تورکیا ایچین ۴۰ غروش ۲۵ غروش
 ممالک اجندییه ایچین ۱۰ فرانق ۶ فرانک

نسخه سی ۵۰ یارم

دوردنجی سنه

ایجتیهاد

مدیر مرخص
 الهامی صفا

اداره خانه

ایستانبول ، جغال اوغلنده دائره اجتهاد
 Adresse: Idjtihad Constantinople

نومرو ۶۶ — ۱۶ مایس ۱۳۲۹

حریت فکریه یه خادم ، پنجشنبه کونلری چیقار ، اقتصادی ، اجتماعی ، ادبی مجموعه

کیدرکن ینه بر مکتوبی آلم . بونامه وفا و مروت آرتق
بکا صوک خطابی اولدی .

قوجه قهرمان ، طابورینی اوکنه قاتمش ، قلبنده
سیف قضا کی هر طرفه اوزانوب پارلایان نور وجدانی
ایله بر برینی ولی ایدن هجوملرک باشنده ، سمایه ، حقیقته ،
دینه ، حمیه ، اللهه ، پیغمبره متوجه کوزهل وصا غلام
برعثمانلی باشی طاشیدیغنی کوسترمش .

اونک روحنی ، وجدانی ، صوک مکتوماتنه قدر
بیلدیکم ایچون ناصل حرب ایتدیکنی ده یقیننده ، حتی
یاننده کبی کوردم ! اینجه صاری بیقلری قاریشمش ،
پاک و مبارک سیاسی قیزارمش ، کوزلری عمومی برالکتریق
جریانی کبی عسکرینی قوشاتمش ، النده اصلا قیرلمایان
قلیجی ایله بویوک ثولوملری اداره ایدرکن ایشته
شو قارشیکی تپه نك صاغ یاماجنده کیتدجه آزالان
افرادینی برکشی قالنجه قدر حالا ایلری سورومکه
چالیشه رق ، «دونه مک» قانون لایتغیرینک اجل قدرقطعی
وعنود محافظه کاری اولدی . بویوک فیرطینه لرک بربرینی
قوغالایان صاعقه لری کبی قیلنجی مختلف طاقلره دوغزو
دوندوره رک پک بهالی عثمانی قانندن اوراده برکستان
محشر ایجاد ایتدیکی صیراده هیچ برعذر قبول ایتهمش ،
هیچ بریدمتجاوز مرئی بر دوکمه سنه دو قوندورماش
اولان کوکسنی بردشمن قورشونی دملشدر .

عباس حلمی بکک اولجه طانیدیغ علو شاننه ذاتاً
شهادت قدر بر پایه عظیم ، صاغ قالسه ده موعود اولدوغی
ایچون آتیک احتشام کام ونشوه انتقامی کوردمیه جکنه ،
یاخود او وقتده ایده جکی خدمتدن سوکیلی وطنک
حرمانه آجیمق صورتیه بوشید آرقه داشمه چوق یاندم ،
والی الابد یانارم .

علی سعادر

قزل طوپراق

تغییر آثار

اقوم السیر

اسمی بودر ، نبی ذیشان افندیمرک اون دردنجی
عصر هجریده تألیف ونشر ایدلمش ، تاریخ حیاتی در !
مؤلفی ، مشیخت علیا مکتوبی قلمی مسودی دوزجلی
یوسف سعاد افندی در . کتابک قابنده ، مندرجاتیه طبان
طبانہ ضد اولمق اوزره آتیده بی شرح ودها طوغروسی
ره قلام موجوددر :

[سیرسنیه جناب رسالتیناهی به دائرمهم بر اثر قیمتدار . ر .]
[بر طاقم خطب ومحاوران وقصائد واشعار قدیمه واردرکه]
[هربری برر انموزج بلاغت عربیه اولدیغنه رغما شمدی به]
[قدرانحق امهات کتب سیرده یازیلی قالب [۱] مداول اثرلرده]
[بولنمازدی . اقوم السیر بوکیلری موارد ومواقع مخصوصه لرنده]
[بعبارتها قید ایتتمش اولمغه عین زمانده بر قیمت ادبیه بی ده]
[خائزدر . اقوم السیر ، حقایق عالییه یی یقیندن کشف و تماش]
[ایتمک مراقنده بولنان بلاستنه هر صنف انسانلرک اوقویه جنی]
[یکانه کتابدر . [۲]]

افسانه لرند ؛ خرافه لرند مجرد وصرف حقایقه
مستند بیر تاریخ حیات نینک مخلصاتمز میاننده موجود
اولماسی ، نبی ذیشان افندیمرک حضرتلرینی حقیقت اصلیه
وعلویت مجردۀ پاکیزه سیله تماشا ایتک ایستینلری جدأ
دلخون ایتمکده ایدی .

نتایج ثابتۀ فیهیه وسنت ازلیۀ الهیهیه مستند اولمایان
خرافۀ آلود وقایع ومعجزات ایله طولو اولان اویتمز
توکنمز «سیر» لرک مندرجاتندن جدأ بیزاز اولان افکار
احرارانه صاحب لرینک ، یالکز مسلمانلرک ده کیل ، ادیان
سائرۀ اصحابنک حتی اک معند دینسرلرک بیله قبول
ایده بیله جکی بیر تاریخ نینک انتشارینه انتظار ایتمکده
پک زیاده حق لری وار ایدی .

[۱] قصائد واشعار مذکورہ نك بلاترجه بیر تورکجه
کتابده بولونماسیله امهات کتب سیرده یازیلی قالمش اولماسی
ارده سننده هیچ بیر فرق یوق در ~
[۲] بومدعانک صدقی (!) متن کتاب پک کوزل اثبات
ایتمکده در .

بالفرض، قونیه مدرسه لرنده جاری اولان افکار ناصل در؟. حاصل ایتدیکم اضطرابی، یأس والمی تصویر ایتک نأند سزدر. زیرا بو کتابی اوقومش اولانلرایله شومقاله عاجزانه اوزرینه احتمال که مراقایدوب اوقویا جاقلر عین اضطرابی حس ایده جکلرندن آریجه المریخی آرتدیرمق ایستهیم فقط اون دور دونجی عصر شجریده نشر ایدیلش بویله بیر تاریخ حقنده کی افکار ومطالعاتی نئرو بیان ایتکدن وازچکهیم. مقصدم کتابی قیمتدن دوشورمک دکیل در. بالعکس مؤلفه، صرف ایتمش اولدوغی امکلرندن طولانی، بیر تشکره کندیمی بور جلود ایتدیکم کیی بیرنجی جلدی بشیوز صحیفه واران بویله جسیم بئر اثرک، سائق تحریری اولان مؤلفنک حسیات دینییه سنه قارشى ینه دیندارانه بیر احترام تقدیم ایتدیکی ده بیر وجیه بیلیم. فقط ینه تکرار ایدهیم کتابک مندر جاتی حقنده علی طریق الاختصار بیان مطالعه دن صرف نظر ایده میه حکم.

*
*

اقوم السیر، ایکی لسانلی بیر کتابدر. یعنی نه تماماً تورکجه، نه تماماً عربجه در. بناء علیه کتابک ایکی دیللی اولماسی کندیسندن تامایله استفاده ایدیلکه مانع اولمشدر. بیلیمور، بو کتاب تورکرایچونمی یازلمشدر؛ یوقسه عربلرایچونمی؟.. مع مافیه هر هانکیسی اوقوسه. کتابک آنجاق نصفندن - اوده پک کوچلکه - استفاده ایده بیله. جکدر. زیرا کندیبی ایچون یالکر اوقاداری مکشوف در. مملکت مزده عربجه کی ده کیل تورکجه کی بیله لزومی درجه سنده بیلنلر آزا ولدوغی ایچین بیر کتابدن ایدیله جک استفاده یی عمومی قیلمق ایستورایسهک، هانکی خلقه خطاب ایتک مجبوریتده بولوندوغیزی نظر دقته الارق، او یولده بیر لسان قوللانمالی ز. شاید بیر دیگر لساندن اقتباسانده بولونه جاق ایسهک اونى ده ترجمه سیله برابر یاپمالی ز که هر کس اکلاهی بیلسین.

بوندن ماعدا کتابک دروننده کی اشعار و عبارات عربیه یی بیر تورکده کیل، ایی بیر تحصیل کورمش هر عرب

زیرا، تاریخ نبی عین زمانده بیر تاریخ اسلام دخی اوله جفندن بو وسیله ایله بعض یکی حقایقک طلوع وظهور ایده جکی امید اولونه بیلیردی. بونکه برابر، کوندن کونه ترقی ایتکده اولان تحلیلی و تنقیدی اعتراضلر طولانیسیله، یا ککش اعتقادلره ویا ککش اکلاملره میدان ویریش اولماق ایچین، افکاری تطمین ایده مین بعض حادثات ووقایع خارق العاده یی اصول حاضره فیه یه توفیقاً شرح وتأویل ایتک مجبوریت قطعیه سی ده حس اولونماقده ایدی. خلاصه: بوتون معنا سیله بیر تاریخ حیات نبییه احتیاجز قطعی واشکار ایدی. بو عظیم وعطش بخش احتیاجی تسکین واسقا ایتک وظیفه سی غایت طبیعی اوله رق علمای دین حضراتنه توجه ایتکده ایدی.

بناء علیه، افکار، اساساً منتظر اولمغه حقلی بولوندوغی بویله بیر تاریخک، مقام عالی مشیختک اک مهم بیر شعبه سی اولمق لازمکلن مکتوبی قلمنه منسوب علمادن بیر ذات طرفندن تألیف صورتیله - بو تألیف کله سنک التنه قالدیجه بیر خط دقت چکیورم - وجوده کتیرلمسی، کتابک قیمت واهمیتی آرتدیراجاغی درکار ایدی. بناء علیه کتابک نشر ایدلایکینی اوکره نور اوکرتمز همان بیردانه سنی تدارک مسارعت ایلدم. کتابی یوتارجه سنه مطالعه ایتمش اوله جفمی قارئلمر البته تقدیر ایتمشدر در.

بوتون بیر کیجه یی صرف ایدرک صباحلادیغ وایوقو- سزلقدن بی تاب قالدیغ شو مطالعه دن معناً اولسون مستفید اولسه یدم بوتون اومادی بورغونلقلیمی تضمین ایتمش اوله جفدم.

انسانک امیدى نه قادار بویوک اولورسه انکسار خیالی ده اونستنده بویوک والم آور اولورمش. ایشته بووجهله معناً وماده حاصل اولان یورغونلقدن، ختام قرائتی متعاقب، بی تابانه صندالیه مک آرقه اغنه طایاندیغ زمان بلا اختیار شو مطالعه ده بولوندم:

هیئات! ایستانبولده باب مشیخت مکتوبی قلمنده بوکی خرافه آلود افکار جای قبول بولورسه، عجیبا،

دخی اکلايه ماز. کتابك تور كچه قسمنده اوقدر غير مانوس كله لرواردركه اكلا شلماسنى بوسوتون اشكال ايتكده در. خلاصه بوكتاب ، هله عوام ايچين ، تماميله قابلى واسرار وعجائبات ايله مالى بير بنادر. كتاب ، اكر خواص ايچون يازلدسه بوجهت تصريح واعلان ايدلملیدی. لاکن ، بيز ، بكون خواصی ده کيل ، عوامی يوكسليمك فکرنده اولملى ز. چونکه خلاصمزی انحقق بو صنفك سويۀ فکريه سنك يوكسليمسى تأمين ايدميله جکدر .

طرز بيانجه بودرجه مشکل الفهم و بناء عليه مزعج اولان بو کتاب هيچ اولمازسه وقايع اعتباريله بر قيمتى حائر اولمليدی . حالبوکه او ، بير تاريخ ده کيل ، بير ماصال بير خرافات کتابی در !...

بو کتابك تمامندن بحث ايتمکه مقالهمك قادروسی مساعد اولما ديغندن يالکيز بعض اقسامنى موضوع بحث ايدميله جکم .

۱ — [تزويج عبادۀ بختنده صفيه : ۶۰ : ۶۵] .
 مشارالیهك پدرلری عبدالمطلبه ، عالم منامده اولجه نذر ايتمش اولديغی [*] نحرک يعنى قربانك ايفاسی زمانی کلدیکی امر اولونيور . بو امر دخی نتیجه استباريله اوغوللرندن بريسك قربان ايدلمسى لزومه منجر اويور . سياق حکايهيه نظراً بوامری ويرن جناب حق در . فقط امری کنديسی طوغريدن طوغری يه می ويردیکي و يا خود بالواسطه می اعطا بويوردیغی اکلا شلمايور . نهايت ايش ، رسول محتبي اقتديمز حضرت تارينك پدر مکرملری حضرت عبدالهك قربان ايدلمسندۀ قرار قيليور . چونکه او ، حامل نور احمدی در و عبدالمطلبك سوکيلي اولادی در . خلاصه ، عبدالمطلب — طبق ابراهيم و اسماعيل (عليهم السلام) حکايه سنده اولدوغی کبی — بير آئندۀ بچاق بير آئندۀ عبادۀ اولدوغی حالده نذرک و امرک ايفاسی ايچين مذبحه گيدييور . فقط انسانلر ، او عاصی مخلوقات ، ينه اللهك ايشنه

[*] زمان جاهليتده اولادنی نذر ايتمك عرب جاهلانهك ، حضرت ابراهيم زمانندن کنديلرينه انتقال ايتمش ، عادل نرنددر .

قاريشيور . ايشك ايچنه بورونلری صوقيورلر . عبدالمطلبه اللهك امری ايفاليتدير ميورلر . نهايت خبرلی يهودی کاهنه سنه مراجعت اولونيور . الله ايله بازارغه کيريشيلير کبی عبدالهك بدلنی يوزدويه قادار چيقارييورلر ، برحق قرعه لر دن صوکره ، ايش تقرر ايديور ، يوزدوه قربان ايديليور . حضرت عبادۀ قورتوليور . بير انسانك دیتی ده يوزدوه اولماق اوزره سنت عبدالمطلب اوله رق قالور .

حکايه نك ترتیبی نهايت شو نتیجه ده کی حکم ايچون ايسه بيرشی دنيله مر . فقط مقصد بواولما ديغندن حکايه يی دیکله دکن صکره بيراز دوشونمك مجبوريتنده يز : اولاً ، انسان اللهك يريوزونده خليفه سی در و اوکا کندي روحندن نفخ ايتمشدر ؛ يعنى اللهك عندنده انسانك بر بر قيمتى واردر ؛ بناء عليه اونك قانك آقيدلمسى طلب ايتمز . ثانياً ، بير لحظه ايچون قبول ايدمکه الله بو ارزوده بولونسون ، فقط امرنده غالب اولان اللهك مؤخرأ نكول ايتمسی همده بونكولك انسانلرک جبر و تنسيقله اولماسی ناصيل قبول ايتمی در . مقصد عبدالمطلي تجربه ايديسه بوده زاندر . چونکه عبدالمطلب اساساً بيردينه تابع دکل بت پرست ایدی و اللهك نظرندۀ حضرت ابراهيم کبی بيراهميت مخصوصه سی يوقدی ؛ عبدالمطلب عندالله دیکر احاد عرب کبی ایدی . بناء عليه مصلحتك تأويل کوتورور يری يوقدر ، حضرت پيغمبر [انا ابن الذبيحين] بويورمش . ايستر صحيح ايستر غير صحيح اولسون ، فقط حديث بير کره جناب نبی يه عطف ايديلنجه بير معنى ويرمك لازم کمشدر . جداعلاسی حضرت اسماعيلك حکايه سی معلومدر . لاکن بوکا بيردانه ده ا علاوه ايتمك مجبوريقی حاصل اولونجه ايکنجی ذبيحه ده پدر والاری اولماق موافق مصلحت اولاجغه قرار ویرلش و حکايه ده اوصورتله تصنيع ايدلمشدر . متفکر بير قافانك بونی باشقا درلو قبول ايتمی امکان خارجنده در . باخود قاتوليك اولماق لازمدر . چونکه قاتوليك ککده تفکره و تحليل و تنقیده مساغ يوقدر .

المنه انه لك مسلماننر تفكر و تعقل ايله مأموردردلر .

۲ - [۹۷ ، ۹۹] « نوزاد عالی نهاد ، بطندن خروجی متعاقب آغلامش و یاخود خلاف عاده آقسیرمیش ، بومیانده برده تکلم ایتشدی . شوقدرکه کلامی غیرمعین قالشدر . بعض رأیه کوره (جلال ربی الرفیع) دیگر قوله کوره (اه اکبر کبیرا والحمده کثیرا وسبحانه بکرة واصیلا) دیه تکلم ایتشدر بشیکده کی تکلم دیگریده بونلرک غیری در »

[۱۰۰] « عبدالطلب آمنه نك خانه سنه کلوب حفید سعیدی کندوسننه ویرلک اوزره تکنه التندن چیقاریله جنی زمان کورمشلرکه تکنه ایکی پارچه ایریش و نوزاد علی نهاد اولمغندن سقایه طوغری باقوب طوربیور . وبارک النک باش یارمغنی امیور و آندن سوت آقپور ایدی »

[۱۲۸ ، ۱۲۹] « ذات احمدی هیچ بر حالنده دیگر صبیانه مشابه دکیل ایدی . بالخصه سریع بیر صورتده بیرومکده ایدی . ایکی آیلق اولونجه هر طرفه حبو وحرکته (یعنی امکلمکه) اوچنچی آیده آیغه قالمغنه دزدنچی آیده دیواری طوتارق یورومکه ، بشنچی آیده کلام فصیح ايله تکلمه اونچی آیده صیان ايله برابر اوق آتمه باشلامس وایکی یاشنی هنوز اجمال ایتهدن کوچلی قوتلی وایری کیمکلی بر بابا یکیت اولشدر ایام رضاعنده هرکون اوزرینه کونش ضیاسی کی بر نور نازل اوله رق صوکره ینه اچیلور کیدر ایدی . بشیکنک ملکدر طرفدن تحریک و ترقیص ایدلیدی کورولور ایدی . »

و « بشیکده ایکن بعض اوقاتده قمری کوره رک آنکله طفلانه سویلشور و آنی طوتمق ارزوسيله الی اوزاتیر احوالده قمرک بوکاطوغری تمایلی مشاهده ایدیلورایدی »

شیمدی بوتون بو حکایه لری [ولن تجدلستناه ..]

[انا بشر مثلكم ...] ایت جلیله لری موجبنه تفسیر و تأویل ایتک مشکل ده کیل عاداتا غیر ممکن در . بیر نوزادک عالم شهوده کلیر کلز ایلاک دفعه تماس ایتدیکی هوادن متأثر و متهیج اوله رق اغلاماسی و حتی آقسیرمسی قادر طبیعی بیرشی اوله ماز ؛ و بو حال نه قادر طبیعی ایسه تکلم ایتمی اوقادار غیر طبیعی در . چونکه بیر ایش حصوله کتیرمک ایچین ماکنه نك اوکا قابلیتلی اولماسی لازم در . بوندن ماعدا تکلم کیبی بدایه مطلقا تعلیمه محتاج اولان بیر

فعلک دفعه حصولی استبعاد ایدلک - ولو پیغمبرلر ایچون اولسون - پک منطقیدر . باخصوص بو تکلم سکز اون یاشنده بیر چوجنک انحق سویلیه ییله جکی اوزون برجه اولورسه مسئله بوسبتون چاتاللاشیر .

پارمقدن سود آفاسی دخی غیر طبیعی بیر کیفیتدر . پارمقدن آنحق قان آقا بیلیر کرچه سود دخی قاندن باشقا بیرشی ده کیلدر ، فقط « مه » کی بر کیمیاخانه ده تحللله محتاجدر ، مقصد بی صبی طویورمق ایسه بونلرک هیچ برینه حاجت یوق ایدی .

طباً ثابت اولدوغنه و هر وقت نه ولریمزده چوجقلریمز اوزرنده تجربه ایتدیکمزه کوره اک قوتلی بر چوجوق اصغری ۸ : ۹ آیلق ایکن قیام وانا بابا کی سهل التلفظ کله لری تفوه ایده بیلیر . قوشمق ، قونوشمق وهله اوق آتمق کی حرکتلری بیر خایلی زمان صوکره اجرا ایده بیلیر . سائر انسانلردن هیچ بیر فرقی اولدیغنی اعتراف بویوران بی اکرمک چوجقلق دورلرینک دخی اطفال سائر کی گذران اولمش اولاجنه شبهه یوقدرکه بوده علی العاده معلوم اولان صفحات داخلنده وقوع بولمشدر .

بیر انقلاب وجوده کتیرمک استعدادنده یارادیش اولان بیر وجود عالینک حال طفولیتنده اطفال سائر مه مقیس اوله میه جغنی هر کس قبول ایدر . چونکه او یوکسک ذکا و فعالیت روحیه ، آثارینی وقتندن اول دخی اظهار ایده بیلیر : بوراده ده اشتباهه ویا اعتراضه هیچ محل یوق در . فقط ادعا بوراده قالمی ایلری کچمه ملی ایدی .

قارنی طویمش ، اویقوسنی آلمش غیر مضطرب بیر چوجنک شائق و شاطر اوله رق صاف هوالی بیر چوله بیر چادیرک یاننده کی بشیکی ایچنده ضیای قره - علی العاده - آلدانارق اونکله سویلشمسی و طوتاغم دیهرک اوکالینی اوزاتمسی طبیعی اولدوغنی قادر سویملی و شاعرانه بیر لوحه معصومانه در . لاکن او عظمتلی دوار و بشقه بیر مرکز منجذب جرم قمرک بو طفل مبارکه تمایل ایتمی مستحیلدر . قمر اوزاقدن صولغون ضیاسیه بیر چوجنی اکلندیره بیلیر ؛

فقط او جوجغه تمايل و تقرب ايدنجه اونی پك زياده قورقوتور.

۳ — شق صدر بير قاچ دفعه وقوعبولدینی ایچون حکایه سی ده بیر قاچ محله ده کراولونیور. خلاصه سی: ذات نینک صدرینی شق ایدیورلر؛ جوفندن یوره کنی چیقاریورلر؛ یاریورلر آلتون لکن ایچنده کوموش ایریقندن دوکیلر بیر صو ایله — زمزم اولمق شرطدر — ییقایورلر؛ ایچندن بعض فنا شیرلی چیقاروب آتیورلر؛ صوکره یرینه قویورلر صدری دیکيورلر ومهرله یوب کیدیورلر. عجبدرکه بوقادر مهم بیر عملیه جراحیه ده نه آتی سینی به رعایت اولونیور. نه بیر آلت قوللانیور!

قلبک، جوف صدردن اخراجی ده کیل، فقط حرکتدن قالماسی حالده موت آتی حصول بولدوغی وبوکون قلب اوزرنده بر عملیه یا ییلامادیغی قطعاً معلوم ایکن، ینه بیر لحظه ایچون قبول ایده لم که وقعه صحیح اولسون؛ فقط ینه بوکون تمامیه تعین ایتمشدرکه، قلب ده نیلن ماکنه نك وظیفه سی: وریدلردن کان قانی نقاط بدناسوق ایتکدن عبارتدر و غایت مصنع اولان بوماکنه نك دروننده فضا و مستکره هیچ بیر ماده یوقدر. قلب، ادراک وحسیات مرکزی ده کیلدر. بودخائفی ایفا ایده جک عواملی دماغ دروننده ارامق لازمدر. اگر مطلقاً بیر تسفیه یه لزوم کورلمشسه هیچ اولمازسه دماغ تطهیر و تصفیه ایتدیرلمی ایدی. زیرا حسنات و سیئات کبی اعمال و افعالی وجوده کتیرن قوای روحیه نك مرکزلی اوراده در. او مرکزله — مسلم علما ایچون برلطفه تحقیر اولمق اوزره — هپ غیر مسلم اطبا و حکما طرفندن بیر سعی متمادی نتیجه سنده تمامیه تعین اولومشلردر. مع مافیه [وانک لعلی خلق عظیم] توصیف جلیله مظهر اولان بیر ذات مقدسک بوصورتله تطهیر قلب عملیه سنه احتیاجندن کنیدیسی تنزیه ایدرز.

شق صدر مسئله سنده [صحیفه ۳۰۵] جبریه عطفاً بیر حکایه ده وار: «بعدالتحیم بوغازندن بیر طوتوش

طوتوب صیقمشدرکه ذات پاك نبوی چاره بوله میهرق بکا ایله اجهاشه یعنی تخلصه مدار اولمق امیدیه اغلامغه باشلادی.»

شوراده فکر، حیرتندن توقفه مجبور اولور. چونکه جبریل امینک موقعی عنداه نه قادر بویوک اولورسه اولسون مرأت الهی اولان ذات جلیل نبویدن پك دون اولدوغنه و تبلیغ وحی ده وظیفه سی علی العاده بیر یاورک وظیفه سندن ایله ری کچه میه جکنه بناءً او یله خلاف ادب متجاوزه نه بیر صورتده حضرت نبی اکرمک بوغازندن طوتوب اخناق ایده جک صورتده شدتله صیقمه سی خوش کوروله جک بر حرکت ده کیلدر. ایشته بوکی ماصالاردرکه «حضرت محمد (ص.ع) بیر ایستهریق ایدی» دیمکه مؤلفین نصاریه جسارت و یریور و مؤلفین اسلامیه درکه بوکاسند احضار ایدیورلر؛ زیرا، حقیقته بوکی حالات یعنی بوغوله حق کیی بوغاز صیقلمق وانسکه برابر اغلامق و دوشوب بایلمق هپ ایستهری علتنه دوچار اولاندره کورولور.

۴ — [صحیفه ۳۰۶] «جبریل، مروه ایله صفاره سنه کلدیکی آمده او یله بیر شکله کورونمشیدی که آیاقلری یرده باشی سماده ایدی. او آمده جناح لری اچوب مغربله مشرق ارده سنی تم طولدیرمش ایدی. آیاقلری صاری قنادلری یشیل ایدی. اوزرنده قیرمزی یا قوتدن ایکی کردن بند دخی وار ایدی. جبهه سی بارلاق. یوزی نورانی، دیشلری بیاض ایدی. صاچلری قیزیل مرجان رنگنده ایدی. ایکی کوزی اره سنده [لاله الاالله محمداً رسول الله] محرر ایدی. اشبو شکل و شمائل موجب خوف و هراس اولدینی حالده ...»

جداً قورقودوجی بیر شکل ... حالبوکه جبریلک وظیفه سی، حضرت نبی قورقومتق و قورقودن بایلمتق ده کیل بلکه طرف الهی دن تلقی ایتدیکی بعض اوامرک تبلیغندن عبارت ایدی. او حالده بوقدر تکلفه و خلاف فطرت بیر شکله کیرمکه حاجت یوق ایدی. بوندن باشقا، انسان، اقوم السیردد بیر توصیف جبریل قارشوسنده بولندیغی بیلمسه — قبول اولسان رنگره کورده — مقریندن بیر ملک ده کیل بیرهند پایاغانی تصویر اولونیور ظن ایدر. بوقادر غیرطبیعی شیرک بیر اره یه کلدیکی

بولر محض حقیقتدر دیهرك اصرا ایدیلیر ایسه - زورله -
اعتقادسز قلقلره رواج ویریش اولور . عین زمانده متفق
و غیر مسلم علما نك دخی استهزاسنی جلب ایتش اولور كه
بوده مسلمانلق ایچون هر حاله بیر ضرردر . یوسف
سعادتدی برادریمز بویه بیر اثر تألیفی مراد بویوردقلری
زمان مراجعت ایتدكلاری كتب قدیمه سیر میاننده حكمت ،
كیمیا ، قوزموغرافیا تاریخ طبیعی و الخ - یه دائر بیر
جلده بولوندرمش اولسه یدیلر ، بزم ایچین قیمتی
وعصر مرقی حاضر ایچین او یغون بیر سیر بی وجوده
كتیرمش اولور لر دی . اعتقاد كترانه مه كوره ، قابل
اولسه ده شو كتاب حضور بی یه تقدیم ایدلسه « بو بنم
تاریخیم ده كلدر » عتابیله رد بویوروله جاقدر .

تقدیم آتمک بعض طرفلرجه حقمده جالب حدت
اولاجغی بیایورم و بوندن اصلا متحاشی اولمادیغم کیبی
بیان ایتدیگیم افکاره دخی ایمان کامل ایله ایمان ایتمکدهیم.
فقط بن بو کیملره ینه قول این ایله خطاب ایدرک دیرم که:
ای محترم افندیلر، اگر اسلامیتیه قارشى بور جلوا اولدوغنیز
وظیفه یی ایفا ایتمک ارزو ایدیور ایسه کز، الله ایچون
اولسون، آرتق یزی خرافه لردن قورتاریکیز و ییزه نور
ایصال ایدیکیز؛ زیرا قارا کاکلره قوشوب طولاشدیغمز
کافی دیر.

قلیج زاده صفی



استقلال

دنیاده بر قوم وارد که خطای حوانك وقوعند
 بالقان محاربه‌سنة قادر یکن دور اعصار آلود اثناسنده
 هیچ برایشه یاراماش اولمق غرور بهوده سیله متخلقدر.
 اونك ایچین آرنالوودلق تاریخنه مقدمه یازمق کلفتی
 اختیار ایدن ذات محترم ، شیمدی دن تتمه‌سنى ده حاضر-
 لایاجق اولورسه آلبانیادوات فخمه‌سنة بویوک برخذمت
 اتمش اولور ، چونکه بویکی بابك آراسنه قونیللاجق

قبول ایتدکدن صکره رأسی ، سمت الرأسی شمشه و بلکه
نندنه یوکسک اولان اجرامه ، محاذی اولان بیر
عظیم الیکل ملکک حضرت نبیّه - که بر برینه نسبتی
کونشله ارضک بر برینه نسبتی کیی بیله ده کیل در - سوزنی
ایشیدیرمش اولمانی قبول ایتک آرتق ضرورت حکمنی
آلور . انسان بیر بو حکایه یی کوز او کونه کتیریور بیرده
[لی مع الله ...] جلسه علویسنی تصوریادییورده جهالتمزه
پایان اولمادیغنه قرار ویرمکده مضطرب قالور .

* * *

ایسته بیرنجی جلدی بشپوز صحیفه وه وارن بواقوم
السیر ادلی تاریخ کتابی بالاده نمونه لری ارئه ایدیلن
خرافه لرله طولودر .

حالبو که حیات نبی محترم ، تاریخ اسلام ، خرافه لردن ،
 ماصاللردن عبارت ده کیل در ؛ او ، حقایق عالیہی
 محتوی در . بناءً علیہ کرک دینیزی و کرک تاریخ دینیزی
 ماصاللردن ، خرافه لردن تطهیر ایتک زمانی کلوب چکش
 ایکن او ماصاللری ایقا ایدہ جک اثرلر وجودہ کتیرمک
 ایچین صرف اولونان امکله جدآ آجینیر . الیوم بیر
 انسانک حیاتی رحم مادرہ القاح اولوندوغی دقیقه دن
 اعتباراً مزادہ قادر بتمامہا نعقیب و تحلیل ، سماوات
 واجرامہ عائد بوتون مسائل وقانونلر همان تماماً حل
 وکشف ویر حقیقت ثابته کیبی انظار نبی بشرہ بالا اثبات
 وضع اولونمش وسنن الہیمہ نک من الازل الی الابد هیچ
 بیرشی ایچین تبدل ایتمی امکان خارجندہ بولوندیغی تبیین
 ایتمش ایکن - ولو دین ومعجزہ نامنه اولسون - بونلرک
 خارجندہ بیان مدعا ومطالعہیہ قالقیشمق ، دینی ونبی بی
 اعلا ده کیل بالعکس کو چولتمک در . الحذر ...

حسن نیتله تصنیع ای دیلن بوماصالر ، حتمال که ،
اون عصر اولکی انسانلر ایچین فائده لی ایدی . فقط
بوعصر ترقی ده بونلری حقیقت دیه یکی دن میدانده قویمق
دینک انتشارینی ده کیل بلکه خسوفی موجب اولاییلر
ومتقن قافلری هیچ بیر زمان اقناع واشباع ایدهمز .